

Nioqqutissanik eqqussuineq annissuinerlu pillugit Inatsisartut inatsisaata allannguutissaatut Inatsisartut inatsisaat

§ 1

Nioqqutissanik eqqussuineq annissuinerlu pillugit Inatsisartut inatsisaanni nr. 18-imi 30. oktober 1992-imeersumi, kingullermik Inatsisartut inatsisaatigut nr. 3-kkut 3. marts 1994-imeersukkut allanngortinneqartumi, uku allannguutigittinneqassapput:

1. § 11, imm. 1, ima oqaasertalerneqassaaq:

"Akileraartarnermi Pisortaqarfiup mittarfinni niuertarfiit nalunaarfigisinnaavai nioqqutissanik akitsuuteqanngitsunik eqqussuisinnaallutillu nioqquteqarsinnaaneriniq."

2. § 11-mi, imm. 2-mi aamma imm. 3-mi, oqaaseqatigiinni siullerni allassimasut "kioskinut" aamma "kioskinik" aammalu "kioskinit" allanngortinneqassapput imaalillugit "niuertarfinnut" aamma "niuertarfinnik" aammalu "niuertafinnit".

3. § 15-imi, imm. 2-mi allassimasooq "akitsuusigassaanngitsunik" peerneqarpoq.

4. § 17-imi, imm. 1-ip kingornanut ilanngunneqassaaq:

Imm.2. Mittarfinni niuertarfiit inunnut Kalaallit Nunaannut tikittunut nioqqutissanik akitsuuteqanngitsunik nioqquteqartarnissaat pillugu Naalakkersuisut aalajangersaasinnaapput".

§ 2

Inatsisartut inatsisaat una atortuulissaaq decembarip aallaqqaataani 1994-imi.

Namminersornerullutik Oqartussat, ulloq 3. november 1994.

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut